



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

Broj: 01/1- *578* /26

Datum: 04.03.2026. godine

Na osnovu člana 69. stav (1) tačka a), člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24), na preporuku Komisije za provođenje postupka nabavke broj: 01/1-541/26 od 27.02.2026. godine za nabavku usluga: *Usluge prevozne agencije* Dekan Univerziteta u Sarajevu - Šumarskog fakulteta donio je

ODLUKU
o izboru najpovoljnijeg ponuđača

Član 1.

Prihvata se Preporuka Komisije za provođenje postupka javne nabavke broj: 01/1-541/26 od 27.02.2026. godine i ugovor za nabavku usluga: *Usluge prevozne agencije* dodjeljuje se ponuđaču „**Centrotrans**“ d.d. Sarajevo čija ukupna cijena ponude iznosi 3.595,00 KM bez PDV-a kao najbolje ocijenjenom ponuđaču.

Član 2.

Ukoliko nije dostavio u sklopu ponude, broj: 1/626/26 od 13.02.2026. godine, izabrani ponuđač dužan je u roku od 5 (pet) dana od dana zaprimanja ove Odluke, na adresu Univerziteta u Sarajevu - Šumarskog fakulteta, Zagrebačka 20, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

Ova odluka objavit će se na web-stranici www.sfsa.unsa.ba u skladu sa članom 70. stav (6) Zakona o javnim nabavkama BiH.

Član 4.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke usluga: Usluge prevozne agencije, broj: 01/1-291/26 od 04.02.2026. godine. Obavještenje o nabavci usluga iz Otvorenog postupka broj: 29343-1-2-5-3-14/26 od 06.02.2026. godine objavljeno je na Portalu javnih nabavki.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 26.02.2026. godine, tendersku dokumentaciju preuzeli slijedeći potencijalni ponuđači: EKAPIJA DOO, TENDERI DOO, BBS EUROPE, HOMEL D.O.O., CENTROTRANS D.D. SARAJEVO, KOMPANIJA IVIĆ, PREVOZ PUTNOKA D.O.O., „MODA“ DOO, PROMOCULT, MEET BOSNIAE D.O.O..

Iz *Izveštaja o pitanjima i odgovorima* u periodu koji je ostavljen za dostavljanje ponuda, vidljivo je da za navedeni predmet nabavke nije bilo postavljenih pitanja.

Iz *Zapisnika o otvaranju ponuda* vidljivo je da je Komisija za javne nabavke dana 26.02.2026. godine, sa početkom u 10:30 sati, po redoslijedu zaprimanja izvršila javno otvaranje blagovremeno prispjelih ponuda:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„PREVOZ PUTNIKA“ d.o.o. Zavidovići	Da	01/1-497/26	25.02.2026. g., u 09:25 sati
2.	„CENTROTRANS“ d.d. Sarajevo	Da	01/1-500/26	25.02.2026. g., u 10:15 sati

Na javnom otvaranju ponuda nije bio prisutnih predstavnika ponuđača.

Zapisnik o otvaranju ponuda dostavljen je ponuđačima koji su blagovremeno dostavili ponude.

Komisija za provođenje postupka javne nabavke je na zatvorenom sastanku konstatovala da je tačkom 7. tenderske dokumentacije propisano:

„Ostali uslovi za kvalifikaciju u smislu dokazivanja profesionalne djelatnosti, ekonomsko-finansijske i tehničko-profesionalne sposobnosti

- da glavni račun nije blokiran u zadnjih 12 (dvanaest) mjeseci ili od početka poslovanja ako je ponuđač registrovan, odnosno počeo sa radom prije manje od 12 (dvanaest) mjeseci;“

„Ponuđač je dužan dostaviti potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci računajući od datuma izdavanja potvrde. Datum izdavanja potvrde ne smije biti stariji od 3 (tri) mjeseca računajući od dana dostavljanja ponude.“, te takođe:

„U slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.“

Obzirom da je ponuđač „PREVOZ PUTNIKA“ d.o.o. Zavidovići, Omladinsko naselje bb, 70220 Zavidovići, dostavio potvrdu od strane banke da „Glavni račun“ nije bio blokiran u zadnjih šest (6) mjeseci, a da je ponuđač počeo sa radom prije znatno više vremena od šest mjeseci, ponuda se ocjenjuje kao ***nepravilna, te se ista odbacuje u skladu sa odredbama tenderske dokumentacije.***

Komisija za javne nabavke je konstatovala da je preostala samo jedna prihvatljiva ponuda, te je u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj: 80/23), utvrdila da nema uslova za provođenje e-aukcije, te okončala postupak u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“, broj: 80/23) i članom 69. Zakona o javnim nabavkama BiH („Sl. glasnik BiH“, broj: 39/14, 59/22 i 50/24).

Komisija za provođenje postupka nabavke je sačinila Zapisnik o pregledu i ocjeni ponuda i sačinila sažetak primljenih ponuda kako slijedi:

Redni br.	Naziv i sjedište ponuđača	Ponuđeni popust	Ukupna cijena ponude
1.	„CENTROTRANS“ d.d. Sarajevo Kurta Schorka br.14., 71000 Sarajevo	0,00 KM	Cijena ponude bez PDV-a =3.595,00 KM 0% popust Ukupna cijena ponude sa uračunatim popustom bez PDV-a =3.595,00 KM PDV na cijenu ponude=611,15 KM Ukupna cijena za ugovor = 4.206,15 KM sa PDV-om

Nakon pregleda i ocjene ponuda, Komisija za provođenje postupka nabavke utvrdila je da ponuda ponuđača „CENTROTRANS“ d.d. Sarajevo ispunjava sve minimalne uslove za kvalifikaciju tražene tenderskom dokumentacijom i da je ista **prihvatljiva**.

Shodno navedenom, Komisija za javnu nabavku konstatuje da je prihvatljiva ponuda ponuđača: „CENTROTRANS“ d.d. Sarajevo, ul. Kurta Schorka br.14., 71000 Sarajevo, sa najnižom cijenom od 3.595,00 KM (slovima: trihiljadepetstotinašestdesetpet/00 KM), bez PDV-a i predlaže njegov izbor.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Prilog:

- Zapisnik o pregledu i ocjeni ponuda



Dostaviti:

- Ponuđaču „PREVOZ PUTNIKA“ d.o.o. Zavidovići
- Ponuđaču „CENTROTRANS“ d.d. Sarajevo
- Web stranica Univerziteta u Sarajevu - Šumarskog Fakulteta
- Služba računovodstva
- Dosije nabavki
- a/a

Akt obradila: Delila Salihović, [redacted] sekretar Univerziteta u Sarajevu - Šumarskog fakulteta

Akt odobrio i kontrolisao: prof. dr. Dženan Bećirović, prodekan za NIR i finansije



Sekretar Univerziteta u Sarajevu - Šumarskog fakulteta, potvrđuje da je Odluka u skladu sa zakonskim i podzakonskim propisima koji su na snazi, te da je D[redak] Univerziteta u Sarajevu - Šumarskog fakulteta nadležan za donošenje iste shodno članu 71. Zakona o visokom obrazovanju ("Službene novine Kantona Sarajevo", broj 36/22 i 28/25) i 115. Statuta Univerziteta u Sarajevu (broj: 01-14-35-1/23 od 26.11.2023. godine, izmjene broj: 01-13-121-1/24 od 17.07.2024. godine, 01-14-19/25 od 26.11.2025. godine).